

www.BibleForChildren.org



Yohana 14



Yesu niyo awagambila wanampina wakwe.
"Msekwehelwa mwe myoyo yenyu," "Mwamzumila
Chohile ni zumilani miye. Mwe nyumba ya Tate mna
wikazi ulozize, hegu havyatendile ivyo sawagambileni
seivyo. Nakuwaikiani hantu. Miye haheza kwita
kuwaikiyani hantu,
nanuye
niwaguhani,
chani nanywi

mtende
hadya
nili."



Miye ni Yohana mlukolo mnyenyu, kwa kulungana
na Yesu Kulisito nehanga hamwenga na nyuwe
mwezinkuto na useuta na ujijimizi jejeje.


Miye nasidulwa mwe chisiwa chikwitangwa
Patimo hatenda mfungwa,




kwaviya nahalonga
mbuli za Chohile, na
ukuzi wa Yesu.




Aho niyo nengilwa ni Muye. Nawona chigoda cho uzumbe chikigwa kwembingu na yumwenga kekaila mlanga mwe chigoda icho.



Niyo neva chila chumbe chi kwembingu na mwe isi na
hasi heisi na kwe bahali, heye vyumbe vyose vimwe isi
vyagamba vino, "Uyo ekale mwe
chigoda cho uzumbe na
Mwanangoto, ntogozi na ntunyo,
na ukulu na udahi na uzumbe
mazuwa yose" Vyumbe wata ujima
wane niyo
wagamba,
"Taile!" Na
wadya
Wadalahala
niyo wafika
madi
wakavika.




Naho niyo nawona mzi ukukile kugamba Yelusalemu mpya, ukusela kulaila kwembingu kwa Chohile, nendile wikwa vyedi enga msolwa ahambigwe vyedi adugane na mgosiwe. Neva izwi kulu kulaila kwe chigoda cho uzumbe dikagamba, "Kaula! Wikalo wa Chohile wi mwa wantu. Nekale mwawo nawatende wantu wakwe nawo nawatende Chohile ywawo."




Naho mndima ywa kwembingu kanilagisa mto wa mazi ya ujima, yakumweka saviya chelole, yakajuluzika kulaila kwe chigoda cha uzumbe cha Chohile na Mwanangoto.



Umzi udyia haukunga zuwa hegu mnenge kuumulikila,
kwaviya ukulu wa Chohile waumulikila, na Mwanangoto
nuyo ita yakwe.




Mna hahana chintu chochose nachitende chizavu nachingile umo ng'o, naho mntu yoyose akudamanya mbuli zikwihiza hegu za udanti hengile. Ni wadya du wawandikwe mwe chitabu cho ujima cha Mwanangoto nawo nawengile mndani.




“Uyo nahanguse mesozi yawo yose kwaviya file
haitendeke naho hegu usungu hegu ulumi naho ndilo.
Kwaviya isi ya kale ijinka.”



Hakutende na chintu chochose chiligitwe nachitende mo umzi uwo. Chigoda cho uzumbe cha Chohile na Mwanangoto navitende mo umzi na wandima wakwe nawamsankanile. Nawawone uso wakwe na zina dyakwe nadiwandikwe mwe vinengo vyawo.



Haheza niyo nawona wantu wadya wabanikaga wakulu na wadodo wachimala kulongozi kwe chiya chigoda cho uzumbe. Vitabu vigubulwa na chitabu chituhu chigubulwa, chitabu cho ujima. Wantu wadya walahwa kuligana ne zintendwa zawo wadamanye saviya viwandikwe mwe ivyo ivitabu. Na mntu yoyose yudya zina dyakwe hediwoneke diwandikwa mwe chitabu cho ujima, nadulwe mwe ndiwa yo moto.



Muye wa Chohile na msolwa wagamba, "So!" Chila mntu akwiva imbuli ino nagambe, "So!" Mta nchilu neze, yudya akunga naguhe mazi ya ujima heyena maliho.



Kwaviya Chohile kaungisa isi vilekile
amlavye Mwanawe ywe ichedu, chani
chila mntu namzumile asekwaga
mna enkwe ujima mazuwa yose.



Walumi 3:23 kwaviya wose wadamanya masa naho wehale na ukulu wa Chohile.

Walumi 6:23 Kwaviya maliho ya masa ni file, mna jeleko dya Chohile ni ujima wa mazuwa yose mwe Kulisito Yesu Zumbe dyetu.

Waebulaniya 9:27 Saviya wantu weikiwe kubanika lumwenga du ukajika wakantilwa ni Chohile.

Waefeso 2:8,9 Kwaviya kwa mbazi za Chohile mwambulwa kwa sila ya uzumizi. Mbuli ino haikulawana na nyuwe wenye, mna ni jeleko dya Chohile. Naho haikulawana na ntendwa zenyu wenye, mntu anasekweduvya.



Walumi 10:9,10 Hegu unalonga kugamba Yesu ni Zumbe na kuzumila kwa moyo kugamba Chohile kamuyusa, nawambulwe. Kwaviya kwa moyo mntu azumila na kutenda achume myoyo kulongozi kwa Chohile, naho kwa mlomo mntu akulonga chindedi mwa Kulisito nambulwe.

Yohana 3:16,17 Kwaviya Chohile kaungisa isi vilekile amlavye Mwanawe ywe ichedu, chani chila mntu namzumile asekwaga mna enkwe ujima mazuwa yose. Chohile hamsigile Mwanawe mwe isi chani akantile wantu, mna atende mkombola ywawo.



1 Yohana 5:11-13 Ukuzi wenye nuno, Chohile achinkaga ujima wa mazuwa yose, na ujima uwo wi mndani mwa Mwanawe. Mntu yoyose mta Mwana ywa Chohile ana ujima uwo, na mntu yoyose hena Mwana ywa Chohile hana ujima uwo. Nawawandikilani chani mmanyeye kugamba ujima wa mazuwa yose una nyuwe mkuzumila zina dya Mwana ywa Chohile.



Yohana 14; 2 Wakolinto 5; Ugubulo 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Zigua NT (ziw) © The Word For The World and Pioneer
Bible Translators, 2014

<https://live.bible.is/bible/ZIWPBT/MAT/1>

©2026 Bible for Children, Inc.

www.M1914.org

www.bibleforchildren.org

